



Universitätsbibliothek Paderborn

Annalium Paderbornensium Pars ...

Complectens Inprimis Fusiozem Episcoporum Paderbornensium, Deinde Succinctiorem Historiam Reliquorum Per Westfaliam Antistitum, Tum Res Gestas Aliorum In Eadem Hac Regione Clarorum Virorum, Postremo Pontificum, Imperatorum, Principum &c. Gesta, maximè ea, quæ Westfaliam contingunt

Ab anno Christi 1228. usq[ue] ad annum 1500.

Schaten, Nicolaus

Nevhsii, 1698

Praefatio ad Lectorem.

urn:nbn:de:hbz:466:1-31195

Præfatio ad Lectorem.

Rodit tandem in lucem plurimorum votis diu expetita altera *Annalium Paderbornensium Pars, Historia verò Westfalia Tomus III.* Qui ab anno Christi 1228 usque ad annum 1500. quindecim in primis Episcoporum hujus diœcesis, reliquorumque per Westfaliam, Saxoniam et Rheni confluentes Antistitum, et clarorum Virorum res gestas; deinde Pontificum, Imperatorum, ac Principum acta et bella complectitur. Vix ullum in Europa regnum aut provincia, quæ suas non agant partes in hac historia. Romanam arcem varia concusserunt Schismata: Cui et minus favit Concilium Basileense. Vidit denique post longum exilium, Roma suum è Gallis reducem Pontificem pristina sedi restitutum. Et licet Gallia sibi Avenione obnoxios Pontifices adversus Romanorum Imperatores non semel concitavit; vicit tamen Germania præsulis suo constanter obstricta et devota. Sicilia Conradini et Friderici occisorum Ducum ostendit capita: nec multò post Gallorum omnium in regno versantium funera, Siculas vesperras nuncupata. Hussitarum initia, cruenta bella, furorem, progressum et interitum dabit Bohemia. In Austria videbis Habsburgicam familiam in thronum elevatam: In Lotharingia Burgundionum Ducem Carolum, Gallia terrorem, provinciis et armis insolentem suo in sanguine suffocatum. Belgium post alternas fortune vices, Geldriam licet reluctante, Leonem suum subdit Aquilæ Maximiliani Imperatoris. Templariorum ordo, postquam 186 annis egregie pro Christiana Ecclesia militasset, post funestas plurimum suorum cades, planè extinctus, Gallis auctoribus, Germanis adiutoribus: an justè vel malè, disputant scriptores. Saxoniæ superioris et inferioris provincia variè divise à Comitibus ad Duces translata. Paderbornensis diœcesis, à Carolo M. Fundata, tot præclarorum Episcoporum et Illustrium virorum sedes, post multa superata pericula et bella, ab ipsomet suo Administratore Theodorico jam mox Coloniensi Archidiœcesi conjungenda, per decreta Pontificis et Basileensis Concilii ab interitu se vindicavit: ubi quoque videre licet, quam vasta id temporis fuerit Paderbornensium Episcoporum jurisdictio spiritualis. Reliquæ diœceses præsertim Moguntina, Coloniensis, Trevirensis et Monasteriensis et si gravibus non raro motibus concussæ, incolumes nihilominus persistere: Inter quàm plura bella Westphaliæ famosum illud Susatense, quod levibus initiis exortum, multis annis protractum, tandem opera Cardinalis S. Angeli compositum. In his seculis pulveris nitrati et scloporum usus, ac Typographiæ ars in Germania inventa. Unum præcipuè, æterna oblivione dignum, in hoc Tomo Christianam de honestat Rempubl. quod scilicet Imperatores, Reges et Principes Europæ, mutuis dissidiis, invidiis, et bellis collisi, cruentis gladiis propria sua viscera dilacerarint: et licet sæpenumero à summis Ecclesiæ præsulibus ad Bellum sacrum, adversus Christiani nominis hostes incitati, magna subinde promiserint subsidia, præstiterunt tamen pauca, vel nulla: et idcirco Turcis Constantinopolin, Bulgariam, Serviam, duo Imperia, 20 Provincias, ac ducentas florentissimas urbes, in prædam cesserunt. Et nisi duo fulmina belli Corvius et Scanderbegus Turcarum furorem suam virtute stitissent, Hungariam aliasque provincias suo quoque jugo subjecissent. Antiquum Christianorum malum, nec dum hoc seculo emendatum. Reliqua in compendio dabit Index, fusiùs Historia. Noluit Typographus ulterius Annales producere, ne materiam jam præparatam tertie parti subtraheret: cui si Westfalia Sancta, à P. Ioanne Kloppenburg S. J. p. m. congesta, adjungatur, quartum et justum dabit Tomum. Vale Lector et frue.